

საქართველოს ორგანული კანონი „ადგილობრივი თვითმმართველობის კოდექსის“ 61-ე მუხლის მე-3 ნაწილის, საქართველოს მთავრობის 2014 წლის 8 დეკემბრის N669 დადგენილებისა და „წყალტუბოს მუნიციპალიტეტის საკუთრებაში არსებული ქონების ელექტრონული აუქციონის ფორმით პირობებით სარგებლობის უფლებით გადაცემის შესახებ“ 2016 წლის 31 მაისის №10 ხელშეკრულების შესაბამისად.

ვ ბ რ ძ ა ნ ე ბ:

1. შეწყდეს წყალტუბოს მუნიციპალიტეტსა და თამთა ცხადაძეს შორის დადებული, წყალტუბოს მუნიციპალიტეტის საკუთრებაში არსებული ქონების ელექტრონული აუქციონის ფორმით, პირობებით სარგებლობის უფლებით გადაცემის შესახებ 2016 წლის 31 მაისის №10 ხელშეკრულება ქ. წყალტუბოში, ცივი ტბის მიმდებარე ტერიტორიაზე (ს/კ 29.08.32.295) უძრავი ქონების (№04 რესტორანი 510.0 კვ.მ, რკინა-ბეტონის ნაგებობა №05 -164,0 კვ.მ) სარგებლობის უფლებით გადაცემის თაობაზე და უძრავი ქონება დაუბრუნდეს წყალტუბოს მუნიციპალიტეტს კანონმდებლობით დადგენილი წესით.
2. დაეკისროს თამთა ცხადაძეს საიჯარო ქირის 47 994 ლარისა და ხელშეკრულების პირობის დარღვევის გამო დაკისრებული პირგასამტეხლოს 17 330 ლარის გადახდა.
3. ეცნობოს თამთა ცხადაძეს რომ არ უბრუნდება გადახდილი თანხა, არ აუნაზღაურდება მის მიერ გაწეული სხვა ხარჯები. ეცნობოს, რომ უძრავი ქონება დააბრუნოს პირვანდელ მდგომარეობაში და გააფორმოს მხარეთა შორის მიღება-ჩაბარების აქტი უძრავი ქონების დაბრუნების თაობაზე.
4. ეთხოვოს საქართველოს იუსტიციის სამინისტროს საჯარო რეესტრის ეროვნულ სააგენტოს განახორციელოს ამ ბრძანების პირველი პუნქტით განსაზღვრულ უძრავ ქონებაზე სარგებლობის უფლების შეწყვეტა.
5. კონტროლი ბრძანების შესრულებაზე დაევალოს წყალტუბოს მუნიციპალიტეტის მერიის ეკონომიკური განვითარებისა და ქონების მართვის სამსახურს (მ. კანკაძეს).
6. ბრძანება შეიძლება გასაჩივრდეს, კანონით დადგენილი წესით, გამოქვეყნების დღიდან ერთი თვის ვადაში, ქუთაისის საქალაქო სასამართლოში /ვ.კუპრაძის ქუჩა №11/.
7. ბრძანება ძალშია გამოქვეყნებისთანავე.

გრიგოლ იოსელიანი

წყალტუბოს მუნიციპალიტეტის მერია-მერ



გამოყენებულია კვალიფიციური ელექტრონული ხელმოწერა/ ელექტრონული შტამპი

